

欽定續文獻通考

第四
卷八

欽定續文獻通考卷二百四十三

四裔考

西南夷

雲南土司二

緬甸

宋寧宗時緬始通中國 緬國爲西南夷不知何種其地有接大理及去成都遠者又不知其爲方幾重其人
有城郭屋廬以居有象馬以乘舟筏以濟其文字進上者用金葉寫之次用紙又次用檳榔葉蓋謄譯而後通也
是時與波斯國等進白象爲通中國之始 明史土司傳曰緬古朱波地在雲南西南最窮遠與八百占城接壤
有城郭廬舍人多樓居

元世祖至元二十年官軍伐緬克之 先是屢遣使緬國招諭內附迄無降心乃詔宗王桑格達喇右丞台布參
知政事伊克德濟將兵征之是年九月大軍發申慶十月至南甸台布由羅必甸進軍十一月伊克德濟取道於
阿昔江至江頭城入緬有三道一由天步隔一由縣甸斷緬水路桑格達喇自將一軍從驃甸徑抵其國與台布
軍會諸將分地攻取破其江頭城別令將以兵守其地積糧餉以給軍士遣使持與地圖奏上至二十四年緬始
平

成宗大德元年緬遣子奉表入朝 詔封的立普哇拿阿迪提牙爲緬王賜銀印子合八的爲緬國世子賜以虎
符四年五月的立普哇拿阿迪提牙爲其弟阿散哥也等所殺其子窟麻刺哥撒八逃詣京師卽封爲王并命將

率師往問其罪八月緬國阿散吉牙等昆弟赴闕自言殺主之罪罷征緬兵

明太祖洪武二十六年緬始遣使至時因八百王諭意故也次年置緬中宣慰使司以土酋卜刺浪爲使永樂元年緬酋那羅塔願臣屬中國詔設緬甸宣慰使司以那羅塔爲使於是緬有二宣慰使至宣德二年緬甸共推莽得刺爲宣慰使許之自是只署緬甸而甸中之稱不復見

臣等謹按明太祖實錄二十八年二十九年俱有緬遣使訴百夷思倫侵奪境土事詳麓川土司傳

英宗正統十二年命緬甸故宣慰子馬哈省以速刺並爲宣慰使時馬哈省以速刺遣使獻麓川叛蠻思任發首及諸俘賊至京故有是命至世宗嘉靖初孟養酋思陸子思倫糾木邦及孟密擊破緬殺宣慰莽紀歲分據其地緬訴於朝不報莽紀歲有子瑞體既長奪古喇地諸蠻畏服之假道於孟密攻孟養及迤西諸蠻以復前仇并招誘隴川千崖南甸諸土官欲入寇既覘知有備又慮他蠻襲其後乃遁歸此嘉靖三十九年事也萬曆初木邦轉襲隴川千崖諸蠻悉附緬七年并孟養地卡年襲破千崖俄瑞體死子應裏嗣十一年焚掠施甸寇順寧又破蓋達且窺騰衝永昌大理蒙化景東鎮沅諸郡騰越游擊劉綎永昌參將鄧子龍各提兵五千赴剿并調諸土軍應援大破之緬將之守隴川孟養蠻莫者皆遁去二十二年巡撫陳用賓設八關於騰衝留兵戍守募人至暹羅約夾攻緬殺緬長子莽機槌古喇殘破自此不敢內犯然近緬諸部附之如初崇禎末蠻莫思綿爲緬守囊木河及黔國公沐天波等隨永明王等走蠻莫思綿使告緬緬遣人連之傳語述萬曆時事并出神宗聖書索今篆合之以爲僞天波出己印與先所頒文檄相比無差始信

元世祖至元十三年立鎮西路 在柔遠路正西東隔麓川其地曰干賴賧曰渠欄賧曰夷蠻居之中統初內附至是立爲路隸宣撫司

臣等謹按元史世祖紀是年正月雲南行省賽音諤德齊以改定雲南諸路名號來上殆卽其時也又明史土司傳是時置鎮西路軍民總管府領三甸至洪武十五年改鎮西府

明成祖永樂元年設干崖長官司 干崖舊名干賴賧東北接南甸西接隴川有平川衆岡境內甚熱四時皆靈以其絛織五色土錦充貢至正統九年升爲宣撫司弘治三年干崖土舍刀怕愈欺其姪刀怕落幼刼印奪職蠻衆不服遂起兵相攻四年副使林俊等移文往諭始釋兵歸印嘉靖三十九年緬酋莽瑞體叛招干崖諸土官入寇萬歷初宣撫刀怕舉死妻罕氏爲木邦宣慰罕拔妹拔既叛附緬召怕舉弟怕文襲職以臣緬且許以妹怕文不受與戰緬兵十萬驟臨怕文潰奔永昌罕拔遂取干崖印付罕氏十年隴川岳鳳破干崖奪罕氏印十一年游擊劉綎破隴川鳳降追印竟不得而干崖部衆自相承代亦莫得而考云

潞江

元世祖至元十三年立柔遠路 在大理之西永昌之南其地曰潞江曰普坪賧曰申賧契寨曰烏摩坪契蠻卽通典所謂黑蠻也中統初契酋阿八思入朝至是與茫施鎮康鎮西平緬麓川俱立爲路立宣撫司

明成祖永樂元年設潞江長官司 地在永昌騰越之間南貢高崙山北臨潞江爲官道咽喉多瘴癘蠻名怒江甸至是內附其地舊屬麓川平緬西平侯奏其地廣人稠遂設長官司治之宣德三年黔國公沐晟奏潞江干夫長刀不浪班叛歸麓川刼潞江逐囊壁入金齒據潞江驛逐驛丞周禮立寨固守斷絕道路請發兵討帝敕嚴與

三司計議五年晟奏刀不浪班懼罪還所據地歸舊部輸役如故乞宥之報可

英宗正統五年安撫使線舊法以麓川叛來告時思任發叛諭整兵以待未幾麓川賊遣部眾奪據潞江遂削弱正德十六年安撫司土官安捧奪其從弟掩莊田三十八所掩訟於官不報捧遂集蠻兵圍掩寨縱火屠掠掩母子妻妾及蠻民男婦死者八十餘人據有其地官軍誘執之捧死於獄帝命戮屍棄市其子詔及黨與皆斬天啟間有線世祿者繼安撫

南甸

元世祖至元二十六年置南甸路軍民總管府南甸舊名南宋在騰越南半箇山下其山巔北多霜雪南則炎瘴如蒸是時置路領三甸

臣等謹按元史地理志載南甸軍民府不稱路其建置沿革皆闕焉

明太祖洪武十五年改南甸爲府永樂十一年改爲州宣德三年南甸爲麓川侵奪降敕戒諭俾還侵地五年南甸州奏先被麓川奪其境土賴朝廷威力復之若不置官司以正疆界恐侵奪未厭乞置四巡檢司鎮之八年又奏與麓川接壤舊一百夫長在騰衝千戶所時賴邦哈等處軍民兼守後麓川侵據不守者十餘年今蒙敕諭竊恐再侵百姓逃移乞於賴邦哈九浪莽孟洞三處各置巡檢以土軍楊義等三人爲之

正統九年升南甸州爲宣撫司先是二年土知州刀貢罕奏麓川思任發奪其所轄羅卜思莊二百七十八村乞遣使齎金牌信符諭之退還帝敕沐晟處置奏聞麓川之役自是起天順二年宣撫刀落蓋奏南寧伯毛勝遣騰衝千戶蘭愈占其招八地逼民逃竄敕以所占田寨退還治勝愈罪明史土司傳曰南甸所轄羅卜思莊與

小隴川皆百夫長之分地知事謝氏居義宋闕氏居義西屬都直抵金沙江地最廣司東十五里曰蠻干宣撫世居之南百里有關立木爲柵周一里曰南牙甚高山勢延袤一百餘里官道經之上有石梯蠻人據以爲險

芒市

舊樂甸茶山孟連里標紐
元東德實甸促瓦設金附

元世祖至元十三年立茫施路

在柔遠路之南瀘江之西其地曰怒謀曰大枯睽曰小枯睽

即唐史所稱茫施蠻也

中統

初內附至是立爲路隸宣撫司

明太祖洪武十五年置茫施府 至正統七年總兵官沐晟奏芒市陶孟刀放革遣人來訴與叛寇思任發有讐今思任發已遁去思機發兄弟三人來居麓川者蓋地方願歸以獻兵部言放革先與思任發同惡今勢窮乃言結讐誦詐難信宜敕諭放革如能去逆效順當密調兵助剿思機發從之

英宗正統八年立芒市長官司

時思機發令其黨洞孟車等來攻芒市爲官軍所敗放革來降靖遠伯王驥請

設芒市長官司以陶孟刀放革爲長官隸金齒衛成化八年木邦囊罕弄亂掠隴川敕芒市等長官司整兵備調萬曆初長官放福與隴川岳鳳聯姻導緬寇松坡營事覺伏誅立舍目放緯領司事轄於隴川芒市川原廣遠田土富饒而人稍脆弱云 明史者樂甸土司傳曰者樂甸本馬龍他郎甸猛摩地名者島其地山險多瘴介於鎮

沅元江景東間日事攻戰鎧械犀利兵寡而勅諸部長悍之洪武末內附隸雲南布政司永樂元年以沐晟言改

設者樂甸長官司隸都司十八年後皆以刀氏世領司事

又茶山長官司傳曰永樂二年頒給茶山長官司信

符金字紅牌宣德五年以長官司奏滇瀾當茶山瓦高之衝蠻寇出沒民不能安通事段勝頗曉道理能安人心乞置滇瀾巡檢司以勝爲巡檢從之 又孟璉長官司傳曰永樂四年設孟璉長官司時孟璉頭目刀派送遣子

環罕來言孟璉舊屬麓川平緬宣慰司後隸孟定府而孟定知府刀名扛亦故平緬頭目素與等夷乞改隸遂設長官司隸雲南都司命刀派送爲長官賜冠帶印章正統四年思任發反以兵破孟璉遂降於麓川爲木邦宣慰罕蓋法擊敗七年總督王驥征麓川招降孟璉亦保等寨敕賜孟璉故長官司刀派罕子派樂等綵幣以麓川嘉靖中孟璉與孟養孟密諸部仇殺數十年司廕至萬曆十三年隴川平復設稱猛隘云又里麻長官司傳曰永樂六年設里麻長官司時刀思放爲里麻招剛招剛者故西籍其地來朝請授職事遂有是命仍賜印章冠帶又鈕兀長官司傳曰宣德八年置鈕兀長官司鈕兀五降諸寨在和泥之地其酋任者陀比等至京奏地遠蠻多請授職以總其衆兵部請設長官司從之遂以任者爲長官陀比爲副又東儻長官司傳曰宣德八年置東儻長官司隸緬甸宣慰時緬甸宣慰昔得謀殺當蕩頭目新把的而奪其地新把的遣子莽只乞置司庶免侵殺從之命新把的爲長官又瓦甸長官司傳曰初隸金齒永樂九年土官刀怕賴言金齒遠都司近遂改隸雲南都司宣德八年置曲石高松坡馬緬三巡檢司初長官司言曲石高松坡馬緬之地山高林茂寇盜出沒人民不安乞置三巡檢司以授通事楊資楊中范興三人從之命資於曲石中於高松坡興於馬緬正統五年長官早貴爲思任發所獲殺其守者十七人挈家來帝嘉其忠順命所司褒賞以早貴爲安撫賜綵幣詰命又促瓦散金二長官司傳曰二司皆永樂五年設隸雲南都司其地舊屬麓川平緬土蠻註甸八等來朝請別設長官司從之命註甸八等爲長官各給印章

木邦

老編附

元世祖至元二十六年立木邦路軍民總管府領三甸

臣等謹按元史地理志止載木邦路軍民府建置沿革俱闕明一統志木邦舊名孟都一名孟邦其風俗男貴女賤云

明太祖洪武十五年平雲南改木邦路爲府永樂元年麓川訴木邦侵地命西平侯諭之因改木邦爲軍民宣慰使司以知府罕的法爲使賜誥即時官軍征八百罕的法發兵助戰攻江下等十餘寨斬首五百餘級詔賜白金錦幣及其部領有差明年罕的法卒其子罕賓發來請襲命賜冠服七年又遣人奏緬甸宣慰使那羅塔數誘罕賓發叛不敢從遂天兵下臨誓當效命帝嘉其忠遣中官徐亮齎敕勞之賜白金錦綺十一年罕賓發遣使獻緬甸俘時木邦攻破緬甸城寨二十餘多所殺獲獻於京師

宣宗宣德八年木邦與麓川緬甸各爭地訴於朝帝命沐晟并三司巡按公勘正統三年征麓川敕諭木邦以兵會剿五年總兵官沐晟遣人間道達木邦得報知宣慰祖母美罕板其孫宣慰罕蓋法與麓川戰於孟定孟璉地殺部長二十人斬首三萬餘級獲馬象器械甚衆帝嘉其功加授罕蓋法懷遠將軍封美罕板太淑人七年總督王驥奏罕蓋法遣兵攻拔麓川板罕貢章等寨追至孟蒙獲其罕七人象十二麓川酋思任發父子遁孟廣帝命指揮陳儀往勞之且曰木邦能自效生擒賊首獻其酬以麓川土地人民八年木邦人謝免歲辦金磨并獻所獲思任發家屬復賜敕獎勞十一年緬甸獻思任發首木邦亦遣使與同獻因求麓川地兵部以麓川已設隴川宣撫司請以孟止地給之并遣官諭祭其母以表忠勤免木邦歲辦銀八錠三年從之

景帝景泰元年木邦宣慰罕蓋法奏乞隴川界者闡景線地時未及報罕蓋法子罕落法輒發兵據之隴川宣撫刀孟孟訴於總兵官沐璘璘遣使諭歸之而與以底麻之地四年罕落法襲父職族人構難罕落法避於孟都

更遣人赴總兵官求救詔調兵撫諭之與其族人部眾設盟而還然罕落法猶避居孟都不敢歸以地近隴川歲調蠻兵二百更番護之天順二年罕落法奏爲思坑曩罕弄等所攻乞兵剿除命總兵官區處六年總兵官沐瓚奏罕落法屢侵隴川地欲以撥守貴州兵八千調回防禦詔留其半

憲宗成化十年木邦所轄孟密蠻婦曩罕弄等侵掠隴川曩罕弄者故木邦宣慰罕揲法之女嫁其孟密部長思外法地有寶井揲法卒孫罕落法嗣曩罕弄以尊屬不樂受節制噉族人與爭景泰中叛木邦逐宣慰據公署殺掠鄰境隴川孟養兵力日盛自稱天娘子其子思柄自稱宣慰黔國公琮奏委三司官往撫不服詔廷臣集議皆以孟密與木邦仇殺並未侵犯邊境止宜撫諭因命副都御史程宗馳傳往時成化十年也踰年孟密奏爲木邦所擾乞別設安撫司兵部尙書張鵬以太監覃平御史程宗撫取已有成緒遂命宗巡撫雲南敕平偕詣金齒勸諭之其孟密地或仍隸木邦或別設安撫區處具奏

二十年命設孟密安撫司初曩罕弄竊據孟密貳於木邦畏鄰境不平遣人從間道抵雲南至京獻寶石黃金乞開設治所直隸布政司閣臣萬安欲許之程宗復奏曩罕弄與木邦仇殺已久勢難再合已示諸蠻以朝廷德意宥其罪開設衙門令還其所侵地皆踴躍奉命木邦亦已允服乞遂行之部覆從之至是遂有是命以思柄爲使時孟密據寶井之利資爲結納而木邦爲孟密所侵兵力積弱不能報雖屢奏訴竟不得直云明史木邦土司傳曰弘治二年雲南守臣奏孟密曩罕弄先後占奪木邦地二十七處又誘其頭目放卓孟等叛其勢必熾吞後已乞敕八百宣慰司俾與木邦和好互相救援亦敕木邦宣慰收復人心親愛骨肉勿使孟密得乘間誘叛自致孤弱如孟密曉諭方許曩罕弄孫承賜報可并敕雲南守臣親詣金齒曉諭復降敕詰責前鎮巡官所以受賂

召侮敗者

孝宗弘治六年仍以孟密安撫隸布政司時雲南守臣奏孟密侵奪木邦兵連禍結垂四十餘年屢撫屢叛勢愈猖肆請調兵往討兵部議以孟密安撫初隸布政司今改隸木邦以致爭殺仍如初隸可息兵從之明史木邦土司傳曰木邦宣慰罕空法親迎婦於孟乃寨孟密土官思揲乘虛襲之據木邦誘降其頭目高答落等衆兵阻路罕空法不得歸依孟乃寨者三年於是巡撫張誥等會奏議遣文武大員詣孟密撫諭思揲猶不服詔乃遣官督率隴川南甸子崖三宣撫司積糧開道示以必征之勢罕空法又乞救於鄰部調土兵合隴川等三宣撫兵至蠻遮共圍之思揲懼乃罷兵

穆宗隆慶二年木邦土舍罕拔叛初思揲圍蠻遮木邦宣慰妻求救於孟養思陸孟密素畏思陸兵遂解去木邦與思陸謀共取孟密於是蠻中之患又在孟養矣先是萬安程宗勘處失宜諸酋長紛紛進退中國用兵且數十年嘉靖初思陸子思倫與木邦宣慰罕烈同擊殺緬酋莽紀歲而分其地後莽瑞體強將修怨於木邦至是罕拔告變有司索賂不爲請拔怒與弟罕章集兵梗往來道商旅不前而已食鹽亦乏絕乞於緬緬以五千簞餽之自是反德緬攜金寶馬象往謝瑞體亦厚報之歡甚約爲父子瑞體死子應裏用岳鳳言誘拔殺之特萬曆十一年也拔子進忠守木邦應裏遺弟應龍襲之其孿子罕鳳與耿馬舍人罕虔欲禽進忠獻應龍進忠攜妻子內奔虔等追至姚關焚順寧而去十二年官軍破緬於姚關立其子欽欽死其叔罕葢約暹羅攻緬緬恨之三十四年緬以三十萬衆圍其城請救於內地不至城陷罕葢被擄緬僞立孟密思禮領其衆事聞黜總兵官陳賓木邦遂亡明史木邦土司傳曰孟密白思柄授安撫繼之者曰思揲曰思眞眞年至百十歲嘉靖中土舍兄弟爭襲走訴於緬

緬人爲立其弟改名思忠遂以其地附緬萬曆十二年忠齋僞印來歸命授爲宣撫已而復投緬乃以其母罕
烘代掌司印緬攻孟密罕烘率子思禮從子思仁奔孟廣而孟密遂失十八年緬復攻孟廣罕烘思禮奔隴川思
仁奔工回而孟廣又失先是思仁從罕烘奔孟廣時有甘線姑者思忠妻也思忠旣投緬思仁通於線姑遂欲妻
之而罕烘不許至是罕烘攜線姑走隴川思仁奔雅蓋率兵象犯隴川欲攜線姑去會隴川有備弗克思仁亦走
歸緬緬僞署思仁於孟密食其地 又曰初孟密寶井朝廷每以中官出鎮司采辦武宗朝錢能最橫至嘉靖隆
慶時猶然萬曆二十年巡撫陳川賓言緬酋擁衆直犯蠻莫其執詞以奉開采使命令殺蠻莫思正以開道路全
滇之禍皆自開采啟之時稅使楊榮縱其下以開采爲名恣暴橫蠻人苦之且欲令麗江退地聽采緬酋因得執
詞深入巡按宋興祖極言其害請追還榮等帝皆不納凡采辦必先輸官然後與商賈貿易每往五六百人其屬
有地羊寨在孟密東往來道所必經人工幻術采辦人有強索其飲食者多腹痛死所乘馬亦斃剖之則馬腹皆
木石也思真嘗剿之殺數千人不得絕至是議剿以兵少中止 又老撾土司傳曰老撾俗呼爲撾家古不通中
國其俗與木邦同部長不知姓有三等一曰招木弄一曰招木牛一曰招木化而爲宣慰者招木弄也代存一子
絕不嗣其地東至木尾南至交趾西至八百北至車里西北六十八程至雲南布政司成祖卽位土官刀線歹貢
方物始置老撾軍民宣慰使司永樂二年以刀線歹爲宣慰使至成化十七年安南黎灝率兵九萬開山爲三道
進兵破哀牢入老撾境殺宣慰刀板雅及其子二人其季子怕雅賽走八百宣慰刀攬邦遣兵送至景坎黔國公
沐琮以聞命怕雅賽襲父職及怕雅賽欲報安南之仇覬中國發兵爲助帝以老撾交趾皆服屬中國久恤災解
難中國體也令琮慎遣人諭之嘉靖二十四年雲南巡撫汪文盛言老撾土舍怕雅聞征討安南首先思奮且地

廣兵多可獨當一面入百車里與老撾相近孟良在老撾上流皆多兵象諸備征討可免其察勘就令承襲以備征調從之四十四年時緬勢方張翦除諸部老撾亦折而入緬符印俱失萬曆二十六年緬敗老撾來歸復鑄印給之

孟養

元成宗元貞二年於孟養置雲達路軍民總管府時雲南省臣額森布哈征乞藍拔瓦農開陽兩塞其黨答刺率諸蠻來降乞藍悉平以其地爲雲達路置軍民總管府

明太祖洪武十五年改雲達路爲府其地故屬平緬宣慰司平緬思倫發爲其下所逐走京師帝命西平侯沐春以兵納之還故地

成祖永樂二年升孟養府爲軍民宣慰司先是初卽位改雲達爲孟養府至是升宣慰司四年孟養與戛里相仇殺緬甸宣慰那羅塔乘釁刦之殺宣慰刀木旦及子思樂發而據其地事聞詔行人齎敕諭責緬那羅塔懼仍歸其境土會木邦宣慰使罕賓法以那羅塔侵據孟養請自率兵討之遂破緬甸城寨二十餘獲其象馬獻京師十四年復孟養宣慰司命刀木旦次子刀得孟爲使以木旦姪玉賓爲同知自木旦被害司遂廢孟養之人從玉賓散居千崖金沙江諸處者三千餘人朝廷嘗命玉賓署宣慰使以撫之故仍命爲本司同知令其率衆復業宣宗宣德十三年敕數孟養頭目等匿思機發罪先是五年刀玉賓奏伯父刀木旦被殺蒙朝廷授玉賓同知又阻於緬難寄居金齒者二十餘年今孟養地又爲思任發所據乞遣兵歸送本土帝命黔國公沐晟遣還之然其地仍爲思任發所有時爲孟養宣慰者名刀孟賓亦寄居雲南及思任發敗奔緬甸子思機發潛匿孟養求撫

至是帝以孟養宣慰頭目刀雙蠻等匿思機發赦數其罪及兵出窮征思機發卒遁去不可得正統十四年乃以孟養地給緬甸宣慰馬哈省管治命捕思機發

景帝景泰二年思機發之子思卜發據孟養舊地時思卜發遣使求管孟養舊地廷臣議已與緬甸豈可移易時朝命雖不許然思卜發已潛據之卽緬甸不能奪也思卜發死子思洪發嗣每朝貢輒署孟養地名儼然自有其地成化中太監錢能鎮雲南思任發之遣孽思陸發數以珍寶遺能因得入貢稱孟養金沙江思陸發常規立功以襲祖職適孟密安撫土舍思撲侵據木邦地爭殺累年守臣議征之思陸發乃請自效鎮巡官許之思陸發兵未至思撲解去巡撫張浩遣使促發兵思陸發遣大陶孟倫索領蠻兵象馬過江時思撲令陶孟思英以兵守蠻莫孟養兵至思英堅守不出已而請和孟養兵聞官軍聽思英約降頗有怨言官軍糧絕遽引退倫索亦恐思英絕其歸路取道于崖而還初靖遠伯王驥與之約誓非總兵官符檄不得渡江自是遂犯約數興兵過江與孟密戰

孝宗弘治七年孟養思陸作亂思陸本麓川叛種竄居金沙江外成化中嘗據緬甸之聽蓋至是征調其兵渡江遂據騰衝之蠻莫又糾木邦兵攻燒孟密安撫司殺掠蠻民二千餘人刼象馬金寶有并吞孟密覬覦故土之志迤西人恭們騰衝人段和爲之謀主屢撫不聽十二年雲南巡按謝朝宣奏請驅歸江外而先是鎮守太監吉慶已爲思陸請朝貢乃因朝宣疏并下鎮巡官議剿撫之宜數年不決巡撫陳金遣金騰參將盧和撫諭思陸和至騰衝諭以禍福令舉兵過江歸所占蠻莫等地且調隴川于崖南甸三官撫司蠻兵及戰象隨官軍分道至金沙江思陸乃遣大陶孟倫索怕卓等率所部來見和等再申諭之思陸聽命退還前所據蠻莫等地十三處撤回

象馬蠻兵渡金沙江而歸鎮巡官奏言蠻莫等地原隸木邦成化間始爲孟密所有近又爲思陸所據連年構禍今始平定既不可復與木邦孟密又不可割畀隴川千崖南甸三宣撫宜暫於騰衝歲撥官軍四百分番守之思陸前有助平思撲功今悔禍納款請賜以名目冠帶仍降敕獎諭部議以蠻莫等處本木邦分地在大義宜歸之木邦其名目冠帶貢使已言思陸不願受不宜輕畀請賜敕厚勞遣歸之報可時思陸覬得官慰司印部報不予於是仍數出兵與木邦孟密仇殺無寧歲

神宗萬曆十三年立孟養長官司先是嘉靖七年總兵官沐紹勛巡撫歐陽重遣參政王汝舟等徧慰諸蠻諭以禍福孟養思倫等各願退地贖罪乃以蠻莫等十三處地方寬廣諸蠻歷年所爭屬之騰衝司檄軍輪守則烟瘴可虞屬之木邦則地勢遼遠蠻心不順莫若仍屬孟密管領歲徵差發銀而割孟乃等七處仍歸木邦罕烈則分願均而忿爭息矣報可至萬曆五年雲南巡撫陳文燧言孟養思箇與緬世仇今更歸順於緬因引弘治朝先臣劉健嘗議孟養事狀謂思陸有官猶可制卽無官其僭自若也不如因而官之以抗緬亦報可十一年緬爲遊擊劉綎所敗孟養思威亦殺緬使降於綎至是隴川平乃於孟養立長官司未幾長官思眞復爲緬所擄部長思達奉思眞妻來歸給以冠帶令歸守思達乘亂自立爲宣慰達暴虐諸部恨之引緬兵至聲言還思眞思達奔諺西有思羈者內附與蠻莫會思正共據險抗緬三十年緬攻思正羈率兵倍道馳救至則正已被殺三十二年緬攻入迤西羈走死緬以頭目思華守其地華死妻怕氏代理緬人更番戍守連年徵發從行甚苦曰孟養不亡蠻何得至此羈之後曰放思祖有衆千餘不敢歸寄食於干崖明史土司傳曰孟養蠻名迤水有香柏城舊制宣慰遣人俱稱頭目唯木邦及緬甸又有陶孟及招剛等稱孟養又有招八稱皆見於奏章因其俗不改

車里

元世祖命將烏蘭哈達伐交趾經車里部降之 車里卽古產里爲倭沙貊獐諸蠻雜居之地古不通中國至是置撒里路領六甸後又置耿凍路耿當孟弄二州

臣等謹按元史烏蘭哈達伐交趾在憲宗七年十一月不載車里降事成宗元貞二年十二月

地理志作大德中

立徹里

軍民總管府雲南行省言大徹里地與八百媳婦犬牙相錯今大徹里胡念已降小徹里復占扼地利多相殺掠胡念遣其弟胡倫乞別置一司擇通習蠻夷情狀者爲之帥招其來附以爲進取之地詔復立蒙標剛等甸軍民官與明史有異今存以備考

明太祖洪武十五年改置車里軍民府

時蠻長刀坎來降卽以爲知府十七年改置宣慰司以坎爲使二十四

年子刀暹答嗣承樂十一年暹答卒長子刀更孟自立驕很失民心未幾亦卒更孟長子霸羨年幼衆推刀賽署

司事

刀賽者更孟弟刀怕漢也

怕漢卒妻以前夫子刀弄冒爲暹答孫請襲十五年命刀弄襲宣慰司以更孟從弟刀雙孟爲

同知十九年雙孟言刀弄廢以兵侵劫蠻民乞別設治所以撫其衆詔分其地置靖安宣慰司升雙孟爲使官德

九年靖安宣慰刀霸供言靖安原車里地今分爲二致有爭端乞仍併歸車里從之命刀霸供刀霸羨共爲宣慰

使

嘉靖十一年車里折入緬

時緬酋莽應裏據擺古蠶食諸蠻車里宣慰刀糯猛折而入緬有大小車里之稱以

大車里應緬而小車里應中國天啟七年巡撫閔洪學奏緬人侵孟艮孟艮就車里求救宣慰刀糯猛遣兵象萬

餘赴之緬人以是恨車里興兵報復韞猛年已衰重賂求和緬聞韞猛子召河璇有女名召烏岡色美責獻烏岡

河隴別以女給之。緬知詐，大憤攻車里。愈急，緬猛父子不能支遁，至思毛地。緬追執之以去。中朝不及問。車里遂亡。

八百

元世祖至元二十九年，詔以軍征八百媳婦國。成宗大德五年四月，調雲南軍征八百媳婦。五月，詔雲南行省自願征八百媳婦者二十人，人給貝子六十索。武宗至大三年正月，詔諭八百媳婦遣雲南行省右丞蘇都魯噶招撫之。仁宗皇慶元年六月，敕雲南省右丞阿固台等領蒙古軍從雲南王討八百媳婦蠻。

臣等謹按明史土司傳謂元初征之道路不通而還者，元史皇慶元年二年泰定三年八百媳婦屢有入貢事。

考其時雖曾通使究未臣附也

順帝至正六年復立八百宣慰司，以土官韓部襲其父爵。

臣等謹按明史土司傳謂遣使招附元統初置八百等處宣慰司者，順帝本紀不及載而於是年謂復立宣慰司殆史氏之有脫誤也。

明太祖洪武二十一年設八百宣慰司。永樂二年，以土官刀招你爲八百者，乃宣慰使其弟刀招散爲八百大甸宣慰使。是歲遣內官齎敕諭孟定孟養等部道經八百大甸，爲刀招散所阻，弗克進。三年，西平侯沐晟奏奉命率師及車里諸宣慰兵至八百境內，破其猛利石崖及者答二寨，又至整線寨，木邦兵破其江下等十餘寨。八百恐遣人詣軍門伏罪，遂赦晟等班師。宣德七年，其貢使奏波勒土酋常糾波勒土雅之兵入境，侵掠乞發兵討之。帝以八百大甸去雲南五千餘里，波勒土雅皆未嘗歸化，勞中國爲遠蠻役，非計止降敕撫諭而已。成化十七年

安南黎灝破老撾頒僞敕於車里期會兵攻八百其兵暴死者數千傳言爲雷所震八百因遣兵扼其歸路襲殺萬餘交人敗還黔國公沐琮奏土官刀攬邦能保障生民擊敗交賊救護老撾交人嘗以僞敕脅誘八百八百毀敕以象蹴之請頒賞以旌忠義從之 明史土司傳曰八百世傳部長有妻八百各領一寨因名八百媳婦其地東至車里南至波勒西至大吉喇與緬鄰北至孟艮白姚關東南行五十程始至平川數千里有南格刺山下有河南屬八百北屬車里好佛惡殺寺塔以萬計有見侵乃舉兵得仇卽已俗名慈悲國嘉靖間爲緬所并其酋避居景線名小八百緬酋應裏以弟應龍居景邁城倚爲右臂焉初四譯館通事惟譯外國而緬甸八百如之蓋二司於大慰中加重焉